



Број: 01/5-50-1-287/21

Сарајево, 2. 2. 2021.

## **ORIJENTACIONI RADNI PLAN**

### **KOMISIJE ZA SAOBRAĆAJ I KOMUNIKACIJE PREDSTAVNIČKOG DOMA**

#### **ZA 2021. GODINU**

**Sarajevo, februar 2021. godine**

**ORIJENTACIONI RADNI PLAN**  
**KOMISIJE ZA SAOBRAĆAJ I KOMUNIKACIJE PREDSTAVNIČKOG DOMA**  
**ZA 2021. GODINU**

**Uvod**

Komisija za saobraćaj i komunikacije Predstavničkog doma Parlamentarne skupštine BiH (u daljnjem tekstu: Komisija) pratit će i razmatrati određena pitanja iz svoje nadležnosti tako što će se odrediti o svakom konkretnom pitanju, vodeći računa o rokovima i kontinuitetu sjednica, te osigurati kvalitetnu pripremu rada i što efikasnije funkcioniranje Predstavničkog doma, a time i Parlamentarne skupštine BiH.

Djelokrug Komisije određen je članom 48. Poslovnika Predstavničkog doma Parlamentarne skupštine BiH (“Službeni glasnik BiH”, br. 79/14, 81/15, 97/15, 78/19 i 26/20), prema kojem Komisija razmatra pitanja koja se odnose na:

- putne isprave;
- uspostavljanje i funkcioniranje zajedničkih i međunarodnih komunikacija;
- reguliranje međunarodnog i međuentitetskog saobraćaja;
- civilno zrakoplovstvo;
- informaciono-komunikacione tehnologije;
- i druga pitanja iz oblasti saobraćaja i komunikacija.

Obaveza izrade i dostavljanja orijentacionog radnog plana za sve komisije predviđena je članom 65. stav (2) Poslovnika Predstavničkog doma Parlamentarne skupštine Bosne i Hercegovine.

U Orijentacioni radni plan Komisije za 2021. godinu uvršteni su izvještaji o radu institucija iz 2020. godine, poslanička inicijativa koja je već u parlamentarnoj proceduri, kao i imenovanja iz nadležnosti Komisije.

Vijeće ministara BiH još nije dostavilo Parlamentarnoj skupštini BiH Program rada Vijeća ministara za 2021. godinu, tako da u Plan rada nisu uvršteni prijedlozi zakona iz nadležnosti Komisije koje Vijeće ministara BiH planira uputiti u parlamentarnu proceduru u 2021. godini.

Za uspješnu realizaciju Radnog plana potrebna je tehnička podrška koju očekujemo od Sekretarijata Parlamentarne skupštine BiH, kao i dobra saradnja s institucijama u čijem djelokrugu su pitanja iz nadležnosti Komisije.

Plan rada je orijentacionog karaktera i ne isključuje druge aktivnosti Komisije za kojima se ukaže potreba.

## PLAN RADA PO KVARTALIMA

### JANUAR – MART

#### a) Zakonodavna aktivnost

Razmatranje prijedloga zakona iz nadležnosti Komisije.

#### b) Poslaničke inicijative

1. Poslanička inicijativa Predraga Kojovića, Aide Baručije, Mirjane Marinković-Lepić i Damira Arnauta „kojom se zadužuju Vijeće ministara i nadležno Ministarstvo sigurnosti BiH da u roku od 30 dana upute Prijedlog zakona o dopunama Zakona o komunikacijama kojim će se uvesti jedinstveni evropski broj za hitne situacije 112, koji predstavlja jedan od važnih elemenata efikasnog sistema zaštite i spašavanja“.

#### c) Izvještaji o radu i finansijski planovi

1. Izvještaj o radu i finansijski izvještaj Agencije za poštanski saobraćaj BiH za 2020. godinu.

#### d) Ostale aktivnosti

1. Imenovanje članova Upravnog odbora Javnog radiotelevizijskog servisa BiH iz bošnjačkog, hrvatskog i srpskog naroda - predlagač: Vijeće Regulatorne agencije za komunikacije BiH;
2. Izvještaj o radu Komisije u 2020. godini;
3. Orijentacioni radni plan Komisije za 2021. godinu;
4. Razmatranje ostalih akata - informacije, izvještaji i drugi akti iz nadležnosti Komisije.

### APRIL - JUNI

#### a) Zakonodavna aktivnost

Razmatranje prijedloga zakona iz nadležnosti Komisije.

#### b) Izvještaji o radu i finansijski planovi

1. Izvještaj o radu Vijeća ministara BiH za 2020. godinu, u dijelu koji se odnosi na aktivnosti iz djelokruga Ministarstva komunikacija i prometa BiH;
2. Izvještaj o radu Vijeća ministara BiH za 2020. godinu, u dijelu koji se odnosi na aktivnosti iz djelokruga Regulatorne agencije za komunikacije BiH;

3. Izvještaj o radu Državne regulatorne komisije za električnu energiju za 2020. godinu.

**c) Ostale aktivnosti**

1. Imenovanje članova Državne regulatorne komisije za električnu energiju iz Federacije BiH - predlagač: Vijeće ministara BiH;
2. Imenovanje člana Upravnog odbora Javnog radiotelevizijskog servisa BiH iz reda ostalih - predlagač: Vijeće Regulatorne agencije za komunikacije BiH;
3. Razmatranje ostalih akata - informacije, izvještaji i drugi akti iz nadležnosti Komisije.

**JULI – SEPTEMBAR**

**a) Zakonodavna aktivnost**

Razmatranje prijedloga zakona iz nadležnosti Komisije.

**b) Izvještaji o radu i finansijski planovi**

1. Izvještaj o radu i poslovanju BHRT-a za 2020. godinu i Izvještaj o realizaciji programskih planova BHRT-a za 2020. godinu;
2. Finansijski plan BHRT-a i planovi rada BHRT-a za 2021. godinu.

**c) Ostale aktivnosti**

Razmatranje ostalih akata - informacije, izvještaji i drugi akti iz nadležnosti Komisije.

**OKTOBAR – DECEMBAR**

**a) Zakonodavna aktivnost**

Razmatranje prijedloga zakona iz nadležnosti Komisije.

**b) Ostale aktivnosti**

1. Finansijski plan Državne regulatorne komisije za električnu energiju za 2022. godinu;
2. Razmatranje ostalih akata - informacije, izvještaji i drugi akti iz nadležnosti Komisije.

**Međunarodne aktivnosti**

Članovi Komisije učestvovat će na konferencijama i seminarima iz oblasti koje su u nadležnosti Komisije.

## **Rezime**

Komisija za saobraćaj i komunikacije nastojat će u potpunosti realizirati planirane aktivnosti.

Komisija će nastaviti dosadašnju dobru saradnju s Ministarstvom komunikacija i prometa BiH, kao i s drugim institucijama Bosne i Hercegovine.

Nove obaveze koje se mogu pojaviti, prije svega prijedlozi zakona iz nadležnosti Komisije i inicijative ovlaštenih predlagača, bit će blagovremeno razmatrane na sjednicama Komisije.

**PREDSJEDAVAJUĆI KOMISIJE**

**Nenad Nešić**